

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা

কর্তৃপক্ষ কর্তৃক প্রকাশিত

সোমবার, অক্টোবর ২৫, ২০১০

গণপ্রজাতন্ত্রী বাংলাদেশ সরকার

তথ্য মন্ত্রণালয়

প্রজ্ঞাপন

তারিখ, ৬ কার্তিক ১৪১৭ বঙ্গাব্দ/২১ অক্টোবর ২০১০ খ্রিস্টাব্দ

এস, আর, ও নং ৩৫৪-আইন/২০১০—কেবল টেলিভিশন নেটওয়ার্ক পরিচালনা আইন, ২০০৬ (২০০৬ সনের ৩৮ নং আইন) এর ধারা ৩৪ এ প্রদত্ত ক্ষমতাবলে সরকার নিম্নরূপ বিধিমালা প্রণয়ন করিল, যথা :—

প্রথম অধ্যায়

সূচনা

১। সংক্ষিপ্ত শিরোনাম—এই বিধিমালা কেবল টেলিভিশন নেটওয়ার্ক পরিচালনা ও লাইসেন্সিং বিধিমালা, ২০১০ নামে অভিহিত হইবে।

২। সংজ্ঞা—বিয়য় বা প্রসদের পরিপন্থী কোন কিছু না থাকিলে, এই বিধিমালায়—

- (১) “অনুষ্ঠান” অর্থে কেবল নেটওয়ার্কে সম্প্রচারিত অনুষ্ঠান যথা-চলচ্চিত্র, ফিচার, নাটক, ধারাবাহিক নাটক, নৃত্য, সংগীত, গীত, বিজ্ঞাপন, ম্যাগাজিন অনুষ্ঠান, যে কোন সবাক বা নির্বাক শৈলী উপস্থাপন, যে কোন প্রতিবেদন ও সংবাদসহ প্রচারিত যে কোন অনুষ্ঠানকে বুবাইবে; এবং ভিডিও ক্যাসেট রেকর্ডার, ভিডিও ক্যাসেট প্রয়োর, ভিডিও ক্যাসেট ডিস্ক, ডিজিটাল ভিডিও ডিস্ক ও অন্যান্য প্রযুক্তি দ্বারা পরিবেশিত যে কোন অনুষ্ঠান এবং অনুষ্ঠান অনুষ্ঠান উহার অন্তর্ভুক্ত হইবে;

(৯৫৩৭)
মূল্য : টাকা ১৪.০০

- (২) “আইন” অর্থ কেবল টেলিভিশন নেটওয়ার্ক পরিচালনা আইন, ২০০৬ (২০০৬ সনের ৩৮ নং আইন);
- (৩) “কেবল অপারেটর” অর্থ এমন কোন ব্যক্তি যিনি কেবল টেলিভিশন নেটওয়ার্কের মাধ্যমে এলাকা ভিত্তিক ভুনির্ভুল চ্যানেল, উপগ্রহ বা স্যাটেলাইট চ্যানেল (ফ্রি টু এয়ার চ্যানেল ও পে-চ্যানেল), ইত্যাদি গ্রাহকদের উদ্দেশ্যে বাণিজ্যিক ভিত্তিতে সঞ্চালন এবং প্রেরণের জন্য কন্ট্রোল ক্রম হইতে সিগন্যাল প্রস্তুত করেন ও দর্শকের চাহিদা পূরণের লক্ষ্যে ফিড অপারেটর বা গ্রাহকের নিকট বিতরণ করেন; এবং মাল্টিপল সিস্টেম অপারেটরও ইহার অন্তর্ভুক্ত হইবে;
- (৪) “কেবল টেলিভিশন নেটওয়ার্ক” অর্থে এমন একটি পদ্ধতিকে বুঝাইবে যাহার নিজস্ব, লীজ বা ভাড়াকৃত নিয়ন্ত্রিত সম্প্রচারন লাইন বা মাল্টি চ্যানেল মাল্টি পয়েন্ট ডিস্ট্রিবিউশন সার্ভিস (এম.এম.ডি.এস) বা ডাইরেক্ট টু হোম (ডি.টি.এইচ) থাকিবে এবং সংযুক্ত সিগন্যাল প্রস্তুতকরণ, নিয়ন্ত্রণ ও বহুবিধ গ্রাহকের চাহিদা মিটাইবার জন্য প্রযোজনীয় বিতরণ যন্ত্রপাতি থাকিবে;
- (৫) “গ্রাহক” অর্থ এমন কোন ব্যক্তি যিনি কেবল টেলিভিশন নেটওয়ার্কের সিগন্যাল কেবল অপারেটরের নিকট হইতে তদকৃত নির্দিষ্টকৃত কোন স্থানে, অন্য কোন ব্যক্তির নিকট সঞ্চালন বা সম্প্রচার করা ব্যক্তিকে, গ্রহণ করেন;
- (৬) “চ্যানেল” অর্থ পে-চ্যানেল বা ফ্রি টু এয়ার চ্যানেল;
- (৭) “ডাউন লিঙ্ক” অর্থ স্যাটেলাইট হইতে সিগন্যাল গ্রহণ করা;
- (৮) “ডিস্ট্রিবিউটর” অর্থ এমন ব্যক্তি যিনি দেশী বা বিদেশী কোন চ্যানেলের ব্রডকাস্টারের স্থানীয় পরিবেশক হিসাবে ঐ চ্যানেলের অনুষ্ঠান ধারণের লক্ষ্যে ডিকোডার, চিপস ও আনুষঙ্গিক যন্ত্রপাতি আমদানী করিয়া বাণিজ্যিক ভিত্তিতে সেবাপ্রদানকারীর নিকট সরবরাহ করেন;
- (৯) “তফসিল” অর্থ এই বিধিমালার তফসিল;
- (১০) “ধারা” অর্থ আইনের ধারা;
- (১১) “প্রামার্শক কমিটি” বা “কমিটি” অর্থ বিধি ১০ অনুসারে গঠিত “প্রামার্শক কমিটি” বা “কমিটি”;
- (১২) “ফরম” অর্থ এই বিধিমালার ফরম;

- (১৩) "ফিড অপারেটর" অর্থ এমন কোন ব্যক্তি যিনি কেবল অপারেটরের নিকট হইতে সিগন্যাল গ্রহণ করিয়া নির্ধারিত ফি'র বিনিময়ে গ্রাহককে সংযোগ প্রদান করেন;
- (১৪) "ব্যক্তি" শব্দের আওতায় কোন প্রাকৃতিক ব্যক্তিসত্ত্ব বিশিষ্ট একক ব্যক্তি (Individual), অংশীদারী কারিগর, সমিতি, কোম্পানী, কর্পোরেশন, সমবায় সমিতি এবং সংবিধিবন্ধ সংস্থা (statutory body) অন্তর্ভুক্ত;
- (১৫) "এম. এস. ও (MSO) বা মাল্টিপল সিস্টেম অপারেটর" অর্থ এমন কেবল অপারেটর যিনি সিগন্যাল প্রস্তুত করিয়া অন্য কোন কেবল অপারেটর বা ফিড অপারেটরের নিকট সরবরাহ বা বিতরণ করেন;
- (১৬) "লাইসেন্স" অর্থ এই বিধিমালার অধীনে লাইসেন্সিং কর্তৃপক্ষ কর্তৃক ইস্যুকৃত লাইসেন্স;
- (১৭) "লাইসেন্সিং কর্তৃপক্ষ" অর্থ জেলার ক্ষেত্রে স্ব-স্ব জেলা প্রশাসক বা সরকার কর্তৃক এতদুদ্দেশ্যে নিযুক্ত যে কোন সরকারি কর্মকর্তা;
- (১৮) "লাইসেন্স ফি" অর্থ এই বিধিমালায় বিধৃত লাইসেন্স ফি;
- (১৯) "সরকার" অর্থ তথ্য মন্ত্রণালয়;
- (২০) "সেবা প্রদানকারী" অর্থ এম.এম. ডি. এস, ডি. টি. এইচ. বা অন্য কোন যত্নের মাধ্যমে গ্রাহকদের মধ্যে চ্যানেল সঞ্চালন বা সম্প্রচার করে এমন কোন এমএসও, কেবল অপারেটর, ফিড অপারেটর বা ব্যক্তি।

দ্বিতীয় অধ্যায়

লাইসেন্স প্রদান, ইত্যাদি

৩। লাইসেন্স প্রদান, ইত্যাদি —(১) ধারা ৫ এর উপ-ধারা (১) এর উদ্দেশ্য পূরণকল্পে উপ-বিধি (২) এ উল্লিখিত তথ্যাদি এবং ৩(তিনি) কপি পাসপোর্ট সাইজের সত্যায়িত ফটোসহ লাইসেন্সিং কর্তৃপক্ষ বরাবরে—

- (ক) প্রত্যেক ডিস্ট্রিবিউটরকে তৎকর্তৃক কার্যক্রম পরিচালনার জন্য "ফরম-ক" পূরণক্রমে আবেদনপত্র দাখিল করিতে হইবে;

(খ) প্রত্যেক ডিস্ট্রিবিউটরকে দফা (ক) এর ভিত্তিতে আবেদনপত্র প্রাপ্তির পর দেশী বা বিদেশী ফ্রি ট্রু এয়ার বা বিদেশী প্রে-চ্যানেল ডাউন লিংক করিয়া সেবা প্রদানকারী বরাবর সম্পত্তি করিবার লক্ষ্যে "ফরম-খ" বা, ফেত্রমত, "ফরম-গ" পূরণক্রমে অনুমতি প্রদান করিবার জন্য আবেদনপত্র দাখিল করিতে হইবে;

(গ) প্রত্যেক সেবা প্রদানকারীকে তৎকৃত কার্যক্রম পরিচালনার জন্য, "ফরম-ঘ" পূরণক্রমে আবেদনপত্র দাখিল করিতে হইবে।

(২) আবেদনপত্রের সাথে ডিস্ট্রিবিউটর বা সেবা প্রদানকারীকে নিম্নবর্ণিত তথ্যাদি, প্রয়োজনীয় প্রমাণাদিসহ, দাখিল করিতে হইবে, যথা :—

(ক) অর্থনৈতিক সঙ্কমতা;

(খ) কারিগরী দক্ষতা;

(গ) বিশ্বাসযোগ্যতাসহ পূর্ব-পরিচিতি;

(ঘ) কারিগরী অগ্রগতির সম্ভাব্যতা ও নতুন জ্ঞান বিজ্ঞানের প্রসার;

(ঙ) গ্রাহক চাহিদা;

(চ) অন্যান্য আর্থ-সামাজিক ব্যবস্থার উন্নয়নে অবদান;

(ছ) পুঁজি বিনিয়োগে বাংলাদেশী অংশিদারীত্ব।

(৩) আবেদনপত্রের সাথে প্রত্যেক আবেদনকারীকে তফসিল-১ এ বিধৃত অফেরংযোগ্য লাইসেন্স বা প্রসেস ফি তফসিল ব্যাংক বা সরকারি ট্রেজারীতে জমা প্রদান করিয়া জমার রশিদ দাখিল করিতে হইবে।

(৪) উপ-বিধি-(১) এবং (২) অনুসারে প্রাপ্ত ফরম ও তথ্যাদি প্রাপ্তির পর লাইসেন্সিং কর্তৃপক্ষ—

(ক) পূরণকৃত ফরম ও দাখিলীয় তথ্যাদির সঠিকতা সম্পর্কে নিশ্চিত হইবে; এবং

(খ) ধারা ৫ এর উপ-ধারা (৩) এর বিধান অনুসরণক্রমে তফসিল-২ বা, ফেত্রমত, তফসিল-৩ অনুসারে আবেদনকারী বরাবরে লাইসেন্স ইস্যু করিবে।

(৫) লাইসেন্সিং কর্তৃপক্ষ কর্তৃক ইন্যুক্ত প্রতিটি লাইসেন্সে নিম্নবর্ণিত শর্তাবলীর উল্লেখ থাকিবে, যথা :—

- (ক) লাইসেন্স গ্রহীতা কর্তৃক এই আইন ও বিধি প্রতিপাদন;
- (খ) লাইসেন্স গ্রহীতা কর্তৃক সরকার অনুমোদিত চ্যানেল ব্যতীত অন্য কোন চ্যানেল ডাউনলিঙ্ক, বিপর্যন বা সংযোগ এবং নিজস্ব অনুষ্ঠান প্রদর্শন বা সম্প্রচার না করণ;
- (গ) লাইসেন্স গ্রহীতা কর্তৃক মানসম্মত সেবা প্রদানসহ কারিগরী মান বজায় রাখা ও অন্যান্য কারিগরী শর্তাবলী প্রতিপাদন;
- (ঘ) ভূ-গৰ্ভস্থ কেবল, শূন্যে বুলত লাইন ও আনুমতিক স্থাপনা সংযোজনের বা ব্যবহারের কারণে ক্ষতি হইলে ক্ষতিগ্রস্ত ব্যক্তি বা সংস্থাকে লাইসেন্স গ্রহীতা কর্তৃক ক্ষতিপূরণ নিশ্চিতকরণ;
- (ঙ) সরকার কর্তৃক অনুমোদিত নিম্নবর্ণিত জাতীয় গুরুত্বপূর্ণ অনুষ্ঠান বাধ্যতামূলকভাবে প্রচারকরণ, যথা :—
 - (অ) রাষ্ট্রপতি ও সরকার প্রধানের ভাষণ;
 - (আ) জনগুরুত্বপূর্ণ ঘোষণা বা প্রেসনোট;
 - (ই) জরুরী দুর্যোগ বার্তা;
 - (ঈ) সরকার কর্তৃক, সময় সময়, প্রচারিত গুরুত্বপূর্ণ সরকারি ও অন্যান্য অনুষ্ঠান;
- (চ) লাইসেন্সগ্রহীতা কর্তৃক ব্যবসা বন্দ বা পরিবর্তনের বিষয় অবহিতকরণ।

(৬) লাইসেন্সিং কর্তৃপক্ষ কর্তৃক ধারা-৯ এর বিধান মোতাবেক নিম্নবর্ণিত ব্যক্তির ফেত্রে লাইসেন্স ইস্যু করা যাইবে না, যদি আবেদনকারী—

- (ক) বাংলাদেশের নাগরিক ও অধিবাসী না হন; বা
- (খ) কোন বিদেশী কোম্পানী, যাহা বিদেশী আইনে নিবন্ধিত ও পরিচালিত; বা
- (গ) কোন কোম্পানী যাহার ২০% এর অধিক শেয়ার কোন বিদেশী নাগরিকের বা কোম্পানীর; বা
- (ঘ) বিদেশী নাগরিক এর মালিকানা দ্বারা পরিচালিত হয়।

(৭) লাইসেন্সে উল্লিখিত জেলার জন্য লাইসেন্সের কার্যক্রম বৈধ থাকিবে

৪। লাইসেন্সের ডুপ্লিকেট বা অনুলিপি প্রদান —কোন ডিস্ট্রিবিউটর বা সেবাপ্রদানকারীর লাইসেন্স হারাইয়া গেলে বা নষ্ট হইলে লাইসেন্সগ্রহীতা তফসিল-১ এ বিধৃত ফি প্রদানপূর্বক উহার ডুপ্লিকেট কপি বা অনুলিপি তফসিল-২ বা, ক্ষেত্রমত, তফসিল-৩ অনুসারে লাইসেন্সিং কর্তৃপক্ষের নিকট হইতে গ্রহণ করিতে পারিবেন।

৫। লাইসেন্সের মেয়াদ ও লাইসেন্স নবায়ন —(১) ডিস্ট্রিবিউটর ও সেবাপ্রদানকারীর প্রতিটি লাইসেন্সের মেয়াদ ২ (দুই) বৎসর হইবে।

(২) মেয়াদোন্তীর্ণ হইবার অন্যন্ত ৩০ (ত্রিশ) দিন পূর্বে ডিস্ট্রিবিউটর বা সেবাপ্রদানকারীকে তফসিল-১ এ বিধৃত অফেরংথ্যোগ্য লাইসেন্স বা প্রমেস ফি তফসিলি ব্যাংক বা সরকারি ট্রেজারীতে জমা প্রদান করিয়া জমার রশিদসহ ইতিপূর্বে ইস্যুকৃত লাইসেন্স নবায়ন করিবার জন্য "ফরম-ক" বা "ফরম-এ" অনুসারে আবেদনপত্র দাখিল করিতে হইবে।

৬। লাইসেন্স স্থগিত বা বাতিলকরণ —ধারা ১১ এর বিধান অনুসারে লাইসেন্সিং কর্তৃপক্ষ তদকর্তৃক প্রদত্ত লাইসেন্স সাময়িকভাবে স্থগিত বা বাতিল করিতে পারিবে এবং উক্ত ধারার অধীন প্রদত্ত সাময়িকভাবে স্থগিত আবেশ, প্রয়োজনে, বাতিল করিতে পারিবে।

৭। শ্রাহক সেবা, ইত্যাদি —ধারা ১৭ এর উপ-ধারা (২) এর উদ্দেশ্য পূরণকালীন সেবাপ্রদানকারী শ্রাহকের নিকট হইতে তফসিল-৪ এ বিধৃত হারে সার্ভিস ফি গ্রহণ করিবে। সেবাপ্রদানকারী তফসিল-৪ এ বিধৃত সার্ভিস ফি এর অতিরিক্ত কোন ফি গ্রহণ করিতে পারিবে না;

অবে শর্ত থাকে যে, সরকার সময়ে সময়ে সরকারি গেজেটে প্রজ্ঞাপন দ্বারা এই ফি পুনঃনির্ধারণ করিতে পারিবে।

৮। সেবাপ্রদানকারী কর্তৃক রেজিস্টার সংরক্ষণ —(১) প্রতোক সেবাপ্রদানকারীকে ধারা ২১ এর বিধান অনুসরণের লক্ষ্যে, তাহার দৈনিক সম্প্রচারিত অনুষ্ঠানের বিষয়বস্তু ও তারিখ উল্লেখক্রমে, তফসিল-৫ অনুসারে রেজিস্টার সংরক্ষণ করিতে হইবে।

(২) উপ-বিধি (১) এ উল্লিখিত রেজিস্টার অনুষ্ঠান সম্প্রচারের পর ১ (এক) বৎসর সময় পর্যন্ত সংরক্ষণ করিতে হইবে।

৯। সম্প্রচার বা সঞ্চালনের ক্ষেত্রে বাধা-নিষেধ।—সেবাপ্রদানকারী কেবল টেলিভিশন নেটওয়ার্কের মাধ্যমে যে সব অনুষ্ঠান সম্প্রচার বা সঞ্চালন করিতে পারিবে না তাহা নিম্নরূপ, যথা :—

- (১) দেশের অর্থন্তা, স্বাধীনতা, সার্বভৌমত্ব ও মুক্তিযুক্তির চেতনা ও আদর্শের পরিপন্থী কোন অনুষ্ঠান;
- (২) রাষ্ট্র পরিচালনার মূলনীতি এবং রাষ্ট্রীয় নীতির পরিপন্থী কোন অনুষ্ঠান;
- (৩) হিংসাত্মক, সত্ত্বাস, বিদ্যেষ ও অপরাধ সম্বলিত কোন অনুষ্ঠান;
- (৪) বাংলাদেশের ইতিহাস ও ঐতিহ্য, শিক্ষা ও সংকৃতি, সামাজিক ও ধর্মীয় মূল্যবোধ, জাতীয় সংহতি ও রাষ্ট্রীয় ভাবমূর্তির পরিপন্থী কোন অনুষ্ঠান;
- (৫) জাতীয় নিরাপত্তা ও জনস্বার্থ হানিকর কোন অনুষ্ঠান;
- (৬) দেশের কোন সম্প্রদায় বা গোষ্ঠীর আবেগ অনুভূতিতে আঘাত হানিতে পারে এমন কোন অনুষ্ঠান;
- (৭) The Censorship of Films Act, 1963 (Act XVIII of 1963) বা উহার অধীন প্রণীত বিধি বা নীতিমালার পরিপন্থী কোন অনুষ্ঠান;
- (৮) অশালীন বা আক্রমণাত্মক কোন রসিকতা, অঙ্গভঙ্গী, নৃত্যগীত, বিজ্ঞাপন, সংলাপ বা সারটাইটেল সম্বলিত কোন অনুষ্ঠান;
- (৯) নগ্নতা, নগ্ন ছায়াছবি, বন্ধু উমোচন দৃশ্য, দেহ প্রদর্শন, অশোভন অঙ্গভঙ্গী, যৌনক্রিয়ার ইংগিত সূচক বা প্রতীকী নাচ অথবা অশোভন দৃশ্যাবলী সম্বলিত এমন কোন অশ্লীল অনুষ্ঠান;
- (১০) উচ্ছঙ্খলতা, ধ্বংসযজ্ঞ, শিশু-কিশোর অপরাধ বা অপ-সংকৃতিকে আকর্ষণীয় ও উৎসাহিত করিতে পারে বা শিশুদের বৃক্ষিমত্তা বিকাশে ন্যূনতর কারণ হইতে পারে এমন কোন অনুষ্ঠান;
- (১১) মূল তথ্যের বন্ধনিষ্ঠতা অক্ষুণ্ণ না রাখিয়া সম্প্রচারিত এমন কোন অনুষ্ঠান;
- (১২) অন্য কোন আইন দ্বারা বারিত বা সেপ্সরকৃত ছায়াছবি বা কোন অশ্লীল অনুষ্ঠান;
- (১৩) বাংলাদেশের দর্শকদের জন্য বিদেশী কোন চ্যানেলের মাধ্যমে বিজ্ঞাপন;
- (১৪) সরকারের অনুমতি ব্যতিরেকে সুনির্দিষ্টভাবে বাংলাদেশের দর্শকদের উদ্দেশ্যে বিদেশী চ্যানেলের কোন অনুষ্ঠান সম্প্রচার।

তৃতীয় অধ্যায়

পরামর্শক কমিটি, ইত্যাদি

১০। পরামর্শক কমিটি গঠন, ইত্যাদি।—ধারা ১২ এর উদ্দেশ্য পূরণকালে সরকার নিম্নবর্ণিত সদস্য সমন্বয়ে একটি পরামর্শক কমিটি, অতঃপর কমিটি বলিয়া উন্নিখিত, গঠন করিবে, যথা :—

- (ক) তথ্য মন্ত্রণালয়ের সচিব, যিনি উহার সভাপতি ও হইবেন;
- (খ) প্রধানমন্ত্রীর কার্যালয় কর্তৃক মনোনীত অন্যন্য মহাপরিচালক পদমর্যাদার একজন কর্মকর্তা;
- (গ) আইন, বিচার ও সংসদ বিষয়ক মন্ত্রণালয় কর্তৃক মনোনীত অন্যন্য যুগ্ম-সচিব পদমর্যাদার একজন কর্মকর্তা;
- (ঘ) ষ্প্রট্রি মন্ত্রণালয় কর্তৃক মনোনীত অন্যন্য যুগ্ম-সচিব পদমর্যাদার একজন কর্মকর্তা;
- (ঙ) ডাক ও টেলিযোগাযোগ মন্ত্রণালয় কর্তৃক মনোনীত অন্যন্য যুগ্ম-সচিব পদমর্যাদার একজন কর্মকর্তা;
- (চ) বাণিজ্য মন্ত্রণালয় কর্তৃক মনোনীত অন্যন্য যুগ্ম-সচিব পদমর্যাদার একজন কর্মকর্তা;
- (ছ) সংকৃতি বিষয়ক মন্ত্রণালয় কর্তৃক মনোনীত অন্যন্য যুগ্ম-সচিব পদমর্যাদার একজন কর্মকর্তা;
- (জ) তথ্য মন্ত্রণালয়ের যুগ্ম-সচিব (সম্প্রচার);
- (ঝ) বাংলাদেশ টেলিভিশন এর মহা-পরিচালক;
- (ঝঃ) সরকার কর্তৃক মনোনীত বেসরকারি সম্প্রচার মাধ্যমের একজন প্রতিনিধি;
- (ট) তথ্য মন্ত্রণালয়ের উপ-সচিব (টিভি), যিনি উহার সদস্য-সচিবও হইবেন।

১১। দায়িত্ব ও কার্যাবলী।—কমিটির দায়িত্ব ও কার্যাবলী হইবে নিম্নরূপ, যথা :—

- (ক) আইন ও উহার অধীন প্রণীত বিধিমালা যথাযথভাবে প্রতিপালিত হইতেছে কি না তাহা মূল্যায়ন;
- (খ) লাইসেন্স কর্তৃপক্ষ কর্তৃক ডিস্ট্রিবিউটর এবং সেবাপ্রদানকারী বরাবরে যথাযথভাবে লাইসেন্স ইস্যু করা হইতেছে কিনা তাহা সুরেজমিনে তদারকীকরণ;

- (গ) ডিস্ট্রিবিউটর, সেবাপ্রদানকারী, গ্রাহক, ফিল্ড অপারেটর, কেবল অপারেটর, মাল্টিপ্ল সিস্টেম অপারেটর, ইত্যাদি কর্তৃক আইনের বিভিন্ন ধারায় উন্নিখ্যিত বিধানাবলী যথাযথভাবে অনুসরণ করা হইতেছে কিনা সে সম্পর্কে সংশ্লিষ্ট কর্তৃপক্ষ কর্তৃক তথ্য সংগ্রহকরণ এবং উক্তরূপ তথ্যের ভিত্তিতে সরকারের নিকট করণীয় বিষয়াদি সম্পর্কে পরামর্শ বা সুপারিশ প্রদান;
- (ঘ) সরকার কর্তৃক বিভিন্ন সময়ে অর্পিত দায়িত্ব সম্পাদন;
- (ঙ) বিদেশী পে-চ্যানেল ও বিদেশী ফ্রি টু এয়ার চ্যানেল বাংলাদেশে ডাউন লিঙ্কের সংখ্যা নির্ধারণসহ অনুমোদনের লক্ষ্যে সরকার বরাবরে সুপারিশ প্রদান;
- (চ) ধারা ১৯ এর আলোকে বিদেশী পে-চ্যানেল ও ফ্রি টু এয়ার চ্যানেল নির্বাচন;
- (ছ) উপরি-উক্ত দায়িত্ব ও কর্তব্যসমূহ সম্পাদনের জন্য প্রয়োজনীয় যে কোন ব্যবস্থা গ্রহণ বা সরকার বরাবরে সুপারিশমালা প্রেরণ।

১২। কমিটির সভা ।—(১) কমিটি উহার সভায় কার্যপদ্ধতি নির্ধারণ করিতে পারিবে।

(২) কমিটির সভা উহার চেয়ারম্যান কর্তৃক নির্ধারিত স্থান ও সময়ে অনুষ্ঠিত হইবেঃ

তবে শর্ত থাকে যে, প্রতি ছয় মাসে কমিটির কমপক্ষে একটি সভা অনুষ্ঠিত হইবেঃ
আরো শর্ত থাকে যে, কমিটি প্রয়োজনে, যে কোন সময়, স্বল্প সময়ে নোটিশ জারী করিয়া জরুরী সভা আহ্বান করিতে পারিবে।

(৩) সভাপতি কমিটির সকল সভায় সভাপতিত্ব করিবেন এবং তাহার অনুপস্থিতিতে তৎকর্তৃক নির্দেশিত কোন সদস্য বা এইরূপ কোন নির্দেশ না থাকিলে সভায় উপস্থিত সদস্যগণের দ্বারা নির্বাচিত অন্য কোন সদস্য সভায় সভাপতিত্ব করিবেন।

(৪) কমিটির সভার কোরামের জন্য উহার মোট সদস্য সংখ্যার অন্তর্যান এক-বিত্তীয়াংশ সদস্যের উপস্থিতির প্রয়োজন হইবে, তবে মূলতবী সভার ক্ষেত্রে কোন কোরামের প্রয়োজন হইবে না।

(৫) কমিটির প্রত্যেক সদস্যের একটি করিয়া ভোট থাকিবে এবং ভোটের সমতার ক্ষেত্রে সভায় সভাপতিত্বকারী সদস্যের দ্বিতীয় বা নির্ণয়ক ভোট প্রদানের ক্ষমতা থাকিবে।

(৬) শুধুমাত্র কোন সদস্য পদে শূন্যতা বা কমিটি গঠনে ক্রটি থাকিবার কারণে কমিটির কোন কার্য বা কার্যধারা অবৈধ হইবে না এবং তৎসম্পর্কে কোন প্রশ্ন ও উত্থাপন করা যাইবে না।

(৭) সরকার যে কোন সময় বিধি ১০ তে উল্লিখিত সদস্যের অতিরিক্ত হিসাবে যে কোন সরকারী বা বেসরকারী সংস্থা বা প্রতিষ্ঠানের মনোনীত ব্যক্তিকে, প্রয়োজনে, কমিটির সভায় অংশগ্রহণের জন্য আমন্ত্রণ জানাইতে পারিবে।

১৩। কমিটির সিদ্ধান্ত বাস্তবায়ন।—(১) কমিটির সিদ্ধান্ত বাস্তবায়নের জন্য সদস্য-সচিব নামী থাকিবেন।

(২) কমিটির সিদ্ধান্ত অনুসারে সম্পাদিত কার্যক্রম এবং অন্যান্য বিষয়াদি সম্বলিত প্রতিবেদন, যথাশীঘ্ৰ সম্ভব, সরকার বরাবরে দাখিল করিতে হইবে।

(৩) সরকার কর্তৃক থাণ্ড দিক-নির্দেশনা অনুসারে ব্যবস্থা গ্রহণের লক্ষ্যে কমিটি প্রয়োজনীয় পদক্ষেপ গ্রহণ করিতে পারিবে এবং গৃহীত পদক্ষেপের বিষয়াদি সরকারকে অবহিত করিতে হইবে।

১৪। সভার ব্যয়, ইত্যাদি।—কমিটির সভা সংশ্লিষ্ট যাবতীয় ব্যয় সরকার কর্তৃক ব্যয়িত হইবে এবং এইকল্প ব্যয়ের মেটে সরকারের এতদ্ব্যাপ্তি বিধি-বিধান অনুসরণ করিতে হইবে।

চতুর্থ অধ্যায়

শাস্তি, ইত্যাদি

১৫। শাস্তি, দণ্ড, ইত্যাদি।—(১) কেবল টেলিভিশন নেটওয়ার্ক পরিচালনা আইন-২০০৬ এর ধারা ২৮ এর উপ-ধারা (১) এ বর্ণিত ধারাসমূহের কোন বিধান লজ্জন হইবে একটি অপরাধ এবং উক্তকল্পে সংঘটিত অপরাধের জন্য উক্ত ধারার উপ-ধারা (২) এ উল্লিখিত দণ্ড আরোপ করা যাইবে।

(২) উপ-বিধি (১) এ বর্ণিত অপরাধের বিচার ও দণ্ড আরোপের ক্ষেত্রে কেবল টেলিভিশন নেটওয়ার্ক পরিচালনা আইন-২০০৬ এর ধারা ২৯ এবং ৩০ এর বিধান প্রযোজ্য হইবে।